

## **2015ko Diru-laguntzen deialdi publikoa.**

Kultura, kirol eta laguntza jardueretarako diru-laguntzak emateko Udal Ordenantza onartzeko akordioan ahalmena ematen zitzaien alkate jaunari ordenantza garatzeko; eta alkateak, berriz, 2015eko uztailaren 15eko 97/2015 Dekretuaren bidez, Tokiko Gobernu Batzarrari eskuordetu zion ahalmen hori. Horiek horrela, Udal Ordenantzaren xedatutakoa betetzeko, eta Informazio Batzordeak 2015eko abenduaren 22an emandako irizpenarekin bat, Tokiko Gobernu Batzarrak, 2015eko abenduaren 23ko bilkuran, ondoko akordio hau hartu du:

### **A. KIROL EDO KULTURA-JARDUERAK SUSTATZEN DITUZTEN ELKARTEETARAKO DIRU-LAGUNTZAK**

**LEHENENGOA.-** 2015ko ekitaldian kirol edo kultura-jarduerak sustatzen dituzten elkarteetarako diru-laguntzen deialdi publikoa onartzea, kultura, kirol eta laguntza jardueretarako diru-laguntzak arautzen dituzten oinarri berezietan xedatutakoaren arabera. Oinarriok 242. zenbakiko Bizkaiko Aldizkari Ofizialean argitaratu ziren, 2010eko abenduaren 20an.

**BIGARRENA.-** Deialdiaren aurrekontu-muga **HAMALAU MILA ETA BERREHUNTA HOGEITAZAZPI EURO ETA HAMABI ZENTIMO**koa da (14.227,12 €), eta 45 48001 aurrekontu-partidaren kargura ordainduko da.

**HIRUGARRENA.-** 1. 2015. urtean udalerrian kultura eta kirol jarduerak egin eta garatzeko emango dira diru-laguntzak, betiere laugarren idatz-zatiaren arabera onuraduntzat jotzen diren erakundeek egiten badituzte.

Ondorio horietarako, proiektuak kultura eta kirol interesekotzat joko dira udal eskaintzari ekarpen esanguratsua egiten badiote, balio artistiko eta sortzailea dutelako eta kultura eta kirol jarduera sustatzen dutelako.

2.- Erakunde edo elkarte bakoitzak gehienez ere 3 proiektu aurkeztu ahalko du, askotariko jarduerak bilduta. Bakoitza bere aldetik kalifikatuko da. Arlo hauen inguruko jarduerak lagunduko dira diruz:

- Arte eszeniko (ikuskizunen erakustaldi edo eszenaraztea) amateurren (ez profesionalen) adierazpenak.
- Euskara sustatzeko programak.
- Musika.
- Folklorea.
- Adindunen zein adingabeen aisialdi eta astialdiarekin zerikusia duten proiektuak.
- Udalerriko elkartearen artean ezarritako eremuekin zerikusia duten lankidetzaproiektuak.
- Aukera berdintasuna eta genero indarkeriaren aurkako borroka sustatzea xede duten proiektuak (azaroaren 25a / martxoaren 8a).
- Bidaiak eta txangoak.
- Adinekoen sustapenerako garatu beharreko jarduerak (Adinekoen Eguna).
- Adingabeentzako kirol ekitaldiak antolatzea (federazioa...).

3.- Diruz laguntzeko zio izan diren proiektuak 2014ko ekitaldian garatu beharko dira.

4.- Aplikazio-eremutik kanpo geldituko dira honako hauek:

- 6 pertsona baino gutxiagori zuzentzen zaizkionak.
- Jaietako egitarauak.
- 300 € baino gutxiagoko aurrekontua duten jarduerak.
- Udalerritik kanpo egiten diren jarduerak eta ekitaldiak (txangoak izan ezik):

5.- Gastu diruz lagungarriak izango dira diruz lagundutako jardueraren izaerarekin garbiki bat datozen eta behar-beharrezkoak diren gastuak, betiere behar bezala justifikatu badira. Inola ere ez dira diruz lagunduko erakunde eskatzaileen egitura kudeatzeko diren gastuak (langileria gastuak, komunikazioa eta abar).

6.- Deialdi honen helburua da erakunde eskatzaileen ekintza laguntzea eta osatzea, inoiz ez jarduera egiteagatik sortu diren gastu guztiak finantzatzea.

#### LAUGARRENA.- ONURADUNAK

1.- Ordenantza honetan arauturiko diru-laguntzen onuradun honako hauek izan ahalko dira:

- Erretiratuen elkarteak.
- Emakumeen elkarteak.
- Kultur elkarteak.
- Kirol elkarteak edo klubak.
- Auzo elkarteak.

Betiere irabazi asmorik gabeko elkarteak edo klubak badira.

Betekizun hauek bete beharko dituzte:

- Egoitza soziala Barrikan izatea.
- Dagokion erregistroan eta Barriako Elkartearen Udal Erregistroan inskribatuta egon beharko dute, informazioa eguneratuta.
- Irabazi asmorik gabe eratuak izatea.

Kirol elkarteak edo erakundeak badira, aurrekoez gain betekizun hauek ere bete beharko dituzte:

- Bizkaiko edo Euskal Herriko kirol federazio bati atxikirik egotea. Federazio horren modalitateak, betiere, haien sustapen edo praktika izan behar du xede.

#### BOSGARRENA.- Diru-laguntza emateko araubidea

Diru-laguntzak norgehiagoka sistemaren bidez emango dira, hau da, epaimahai kalifikatzaile bat eratuko da, eta hark aurkeztu diren eskaerak konparatuko ditu, horien artean lehentasunak ezartzeko helburuarekin. Horretarako, 7. artikuluan ezarritako balorazio irizpideak hartuko ditu kontuan. Hala, udal diru-laguntza puntu gehien lortu dutenei emango diie, betiere dagokion aurrekontu-partidan ezarritako mugarekin —ordenantza honen bigarren artikuluan zehaztu da—.

#### SEIGARRENA.- Eskaerak eta epeak

1.- Diru-laguntzaren eskaerak edo proiektuak udaletxean aurkeztu beharko dira, eta, horiekin batera, hurrengo idatz-zatietan zehazten diren agiriak aurkeztu beharko dira, erakunde edo elkarteko presidentek edo idazkariak sinaturik.

2.- Eskaerak aurkezteko epea egutegiko 20 egunekoa izango da, Bizkaiko Aldizkari Ofizialean iragarkia argitaratu eta hurrengo egunetik aurrera.

3.- Izaera orokorreko agiri hauek erantsi beharko dira:

- Eskaeraren sinatzailearen NANaren fotokopia.
- Jarduteko ahal edo ordezkartzaren egiaztatagiria.
- Erakundearen IFKren fotokopia.
- Dagokion erregistroan inskribatu izanaren ziurtagiria.
- Dagokien federazioko kide egin izanaren ziurtagiria (kirol erakundeen kasuan).
- Erakundearen Estatutuen kopia (udal artxiboetan lehendik jasota ez badaude edo aldatu badira).
- Foru Ogasuneko eta Gizarte Segurantzako betebeharretan egunean egotearen egiaztatagiria.

4.- Dokumentu espezifiko hauek erantsi beharko dira:

- Proiektuaren deskribapena, proiektua azaltzen duen memoria barne duena. Memorian, proiektua zer jardueraz osatzen den zehaztuko da, eta honako hau adieraziko da:
  - Jardueraren beharra eta eragina.
  - Jardueraren hartzailleak, adina, generoa, jatorria eta jarduera egingo den lekua.
  - Lortu nahi diren helburuak.
  - Sarrera-gastuen aurrekontua.
  - Jarduera egiteko lekuak eta egunak.
  - Proiektuaren alderdi berritzaileei buruzko txostena.
  - Euskarak proiektuan izango duen presentziari eta erabilerari buruzko txostena.

5.- Eskaerak erabat formalizatzen ez badira edo agiriren bat falta bada, interesdunei eskatuko zaie egutegiko 10 eguneko epean zuzendu dezatela hutsunea edo aurkez ditzatela beharrezko dokumentuak, eta adieraziko zaie hala egiten ez badute eskaeran atzera egin dutela joko dela.

ZAZPIGARRENA.- Aurkeztutako proiektuak balioztatzeko, jarraian zehazten diren irizpideak hartuko dira kontuan, eta proiektuen haztapena, gehienez ere 100 puntukoa, jarraian zehazten den moduan egingo da:

	Irizpidea	Puntuak Gehienez
1	Berrikuntzaren eta/edo diziplinartekotasunaren aldeko apustu irmoa dakarten kirol eta kultur proiektuak eta lankidetzakoak direnak:	10
2	Jardueran eragiteko beharra, proiektuari dagokion kultur eta kirol diziplina kontuan hartuta: Kultura edo kirol modalitatearen arabera	10
3	Proiektuak udal kultura eta kirol eskaintzari egiten dion ekarpena	20
4	Dagokion eskaintza edo proiektuaren alderdi pertsonala: hartzailleak kontuan hartuz balioztatuko da proiektua: 16 urtetik beherakoentzako jardueri eta 50 urtetik gorako gizon-emakumeentzat zein jubilatuentzat antolatzen diren jardueri 1etik 5era bitarteko puntuazioa emango zaie.	5
5	Proiektuaren finantzaketa-maila: ratioa lortzeko, proiektuaren diru-sarrera guztiak, bai bazkideen ekarpenen bidez sortzen direnak, bai laguntza bidezkoak eta bai jarduerak berak sor litzakeenak, jarduerak sortzen dituen gastuez zatituko dira	10
6	Erakundearen ibilbidea: Irizpideak - Gutxienez jarduera bat egina izatea deialdia egin aurreko urtean (5 puntu). - Gutxienez 20 bazkide izatea (5 puntu).	10
7	EUSKARAREN erabilera: Euskararen erabilerak adierazgarria izan behar du. Hala ez bada, ez da punturik emango.	15
8	Berdintasunezko jarduerak sustatzea	10
9	Beste udal elkarteekin lankidetzan egindako proiektua izatea	10

Ez dira diruz lagunduko gutxienez 50 puntu lortu ez dituzten proiektuak.

Diru-laguntzaren gehieneko zenbatekoa aurrekontuaren %80 izango da, baina inola ere ez da izango 1.900 euro edo gehiagokoa. Puntu gehien jasotzen duen proiektuak lortuko du finkatutako zenbatekoa, eta gainerakoek puntu gehien jaso duenarekiko proportzioan.

Proiektu guztiek gutxieneko finantzaketa propio bat izan beharko dute, kostuaren guztizko zenbatekoaren %20koa.

**ZORTZIGARRENA.- Aholkularitza**

Udaleko Kultura Batzorde Teknikoak beharrezko aholkularitza emango du ordenantza honen inguruan sor litezkeen zalantzak argitzeko.

**BEDERATZIGARRENA.- Epaimahai kalifikatzailea**

Eskaeren analisisa eta ebaluazioa Udal Informazio Batzordeak egingo du.

**HAMARGARRENA.- Ebazpena**

Ebazteko eta jakinarazteko epea 10 egunekoa izango da, eskaerak aurkezteko epea amaitzen denetik aurrera.

**HAMAİKAGARRENA.- Ordainketa**

Ordainketa ebazpenaren berri eman ondoren egingo da, hain zuzen ere jakinarazpena jaso denetik egutegiko 10 egun igaro ondoren, betiere esanbidez uko egin ez bazaio.

**HAMABIGARRENA.- Itzulketa, erakunde onuradunaren ekimenez**

Udalak eskatu gabe onuradunak egindakoa da.

Ordainketa-gutun bidez egingo da.

**HAMAHIRUGARRENA.- Onuradunen betebeharrak**

Ordenantza honetan araututako diru-laguntzen onuradunek betebeharrak hauek izango dituzte:

- Jarduera egitea.
- Diru-laguntza emateko oinarri diren baldintzak betetzen direla justifikatzea, udaletxean agiri hauek aurkeztuz:
  - a) Jardueraren garapena azaltzen duen memoria, betetze-maila, laguntza, erabilitako giza baliabideak eta baliabide materialak, biztanle hartzaileak.
  - b) Gastuen eta diru-sarreraren behin betiko zerrenda aurkeztea, gastuen fakturak ekarriz.
  - c) Jarduera bera garatzeko beste diru-laguntza batzuk jaso badira, Udalarari horren berri ematea.
  - d) Argitalpen, publizitate edo jakinarazpen guztiak gutxienez euskaraz egin beharko dira, eta Udalaren logotipoa eraman beharko dute.

**HAMALAU GARRENA.- Itzultzea:**

Diru-laguntza eta berandutzako interesak kasu hauetan itzuliko dira:

- Justifikatzeko betebeharrak bete ez bada.
- Diru-laguntza bere xederako ez erabiltzea.
- Diru-laguntza ematea justifikatu zuten baldintzak bete ez badira.
- Ordenantzan aurreikusitako gainerako betekizunak bete ez badira.
- Ezarritako kontrol jarduerari uko edo traba egin bazaie.

## **B. HAURTZAINDEGIKO BEKAK**

**LEHENENGOA.-** 2015ko ekitaldian haurtzaindegiko beken deialdi publikoa onartzea, kultura, kirol eta laguntza jardueretarako diru-laguntzak arautzen dituzten

oinarri berezietan xedatutakoaren arabera. Oinarriak 242. zenbakiko Bizkaiko Aldizkari Ofizialean argitaratu ziren, 2010eko abenduaren 20an.

**BIGARRENA.-** Deialdiaren aurrekontu-muga LAU MILA ETA EHUNTA ZAPI EURO ETA BERROGEITA HAMAR ZENTIMOKOA da (4.187,50 €), eta 44 48002 aurrekontu-partidaren kargura ordainduko da.

Diru-laguntza honen bidez familia edo bizikidetzaren unitateko emango den gehieneko zenbatekoa laguntzaren eskatzaileari sortutako gastuen %50ekoa izango da, 2 urtetik beherako haurrak dituzten familien kasuan, 900 euroko mugarekin. Familia-unitate horiei diru-laguntzak eman ondoren oraindik ere banatu gabeko kreditu soberakinak badaude, sortutako gastuen %50eko diru-laguntzak emango zaizkie 2-3 urte bitarteko haurrak dituzten familia-unitateei. Aurrekontu-izendapena aski ez bada eskaera guztiei erantzuteko, diru-laguntzak hainbanatu egingo dira, aurkeztutako eskaera kopuruaren eta familia edo bizikidetzaren unitatearen errentaren arabera.

**HIRUGARRENA.-** Xedea.- Udalak bekak emango dizkie 2014/2015 ikasturtean hartzaindegian hasitako 0 eta 2 urte bitarteko haurrak dituzten familiei edo ikastetxe publiko batean hasitako 2 eta 3 urte bitarteko haurrak dituztenei.

Hartzaindegiak, edonola ere, Eusko Jaurlaritzako Hezkuntza, Unibertsitate eta Ikerketa Sailak baimendutakoa izan beharko du, eta jardura hori betetzeko beharrezkoak diren betekizun guztiak bete beharko ditu. Zentro baimendutzat hartzen dira Hezkuntza Sailaren 297/2002 eta 215/2004 Dekretuetan ezarritako araudian eta apirilaren 10eko Hezkuntza Sailaren aginduan ezarritako betekizunak eta Hezkuntzaren Kalitateari buruzko 10/2002 Lege Organikoan ezarritakoak betetzen dituztenak, eta, beraz, abenduaren 17ko 215/2004 Dekretuaren 3. artikuluan ezarritako arauzko baimena dutenak.

Ondorio horretarako, ikasturte akademikotzat hartzen da egutegian ezarri dena, Eusko Jaurlaritzak ezartzen duen eskola-egutegia oinarri dela, eta gutxi gorabehera irailtik hurrengo urteko ekainera bitartean doana, bi hilabeteak barne direla.

Halaber, dagokion deialdiaren kargura ordainduko dira edozein ikastetxe publiko edo itundutako bi urteko haurren ikasgelek sortzen dituzten gastuak.

**LAUGARRENA.-** Onuradunak.- Diru-laguntza honen onuraduntzat hartuko dira bizileku iraunkorra Barrikako udalerrian duten familia edo bizikidetzaren unitateak, betiere betekizun hauek betetzen badituzte:

1. Diru-laguntza eskatzen duen familiaren errentak ezin izango du inola ere 30.000 €tik gorakoa izan.

2. Diru-laguntza 0 eta 2 urte bitarteko haur batentzat eskatzea eta haur hori ikasturte barruan hartzaindegian ibilitakoa izatea, edo 2 eta 3 bitarteko haur batentzat eskatzea eta haur hori ikastetxe publiko bateko bi urteko haurren ikasgelan ibilitakoa izatea.

3. Hartzaindegira edo bi urteko ikasgelara doan haurra eta familia unitate osoa Barrikako udalerrian erroldaturik egotea, laguntza eskatu den ikasturtea hasi baino 6 hilabete lehenagotik gutxienez, eta ikasturtea amaitu arte egotea udalerrian erroldaturik; salbuespenezko kasuetan ez da beharrezkoa izango aurreko betekizuna betetzea, baina, nolana ere, kasu horiek Informazio Batzorde eskudunean aztertu eta ebatziko dira.

4. Familia-unitateek egunean eduki beharko dituzte Barrikako Udalari ordaindu beharreko zerga, tasa eta prezio publiko guztiak.

Familia-unitatetzat hartuko da ezkontza-araubidean edo izatezko bikoteen araubidean daudenak, indarrean dagoen arloko araudian ezarritakoaren arabera. Aurrez aipaturiko betekizun guztiak betetzen direla egiaztatzeko, dagozkion agiriak aurkeztu beharko dira.

**BOSGARRENA.- Baloratzeko irizpideak.-** Eskatzen duen familiaren errenta-mailaren arabera sailkatuko dira eskariak. Hona hemen zein talde ezartzen diren:

- A taldea. 10.000€ edo gutxiagoko familia-errenta
- B taldea. 10.000€-20.000€ bitarteko familia-errenta
- C taldea. 20.000€-30.000€ bitarteko familia-errenta

**SEIGARRENA.- Diru-laguntza emateko araubidea.-** Diru-laguntzak emateko araubidea lehiaketa sistemaren bidezkoa da. Hasiera batean, deialdian ezarritako gehienezkoa emateko, onuradun bakoitzari bere taldearen bekaren gehienezko zenbatekoa egotziko zaio, familia-unitatearen errentaren arabera. Hona hemen gehienezko zenbatekoak taldeka:

- A taldea: Urteko zenbatekoa, gehienez ere, 900 €
- B taldea: Urteko zenbatekoa, gehienez ere, 600 €
- C taldea: Urteko zenbatekoa, gehienez ere, 300 €

Baldin eta eskari-kopuruak ezarri den aurrekontu-muga gaindituko balu, honela banatuko litzateke: eskatzaileen errenta txikienetik hasita egingo da, hau da, lehenengo A taldea, gero B taldea eta, azkenik, C taldea. Talde bakoitzeko eskatzaileen artean, zati berdinak banatuko dira.

Diru-laguntzak banatu ondoren, aurrekontu-partidan dirurik geratzen bada, hainbanaketa egingo da taldeen artean, zati berdinak eginez, erabil daitekeen kreditua agortu arte.

Barrikako Udaleko Informazio Batzordeak aztertuko ditu diru-laguntzaren eskaerak.

**ZAZPIGARRENA.-** Aurkeztu beharreko agiriak.-

- Sinatzailearen NANaren fotokopia.
- Hala badagokio, zerga betebeharretan eta Gizarte Segurantzarekoetan eguneratuta egotearen ziurtagiriak, Bizkaiko Foru Ogasunak eta Gizarte Segurantzako Diruzaintza Orokorrek egindakoak.
- Matrikula ordaindu izanaren edo, hala badagokio, egindako ordainketen ziurtagiriak.
- Zentro ofizial izatearen ziurtagiria, Eusko Jaurlaritzak 215/2004 Dekretuan ezarritakoarekin bat etorritik haurtzaindegi zerbitzua emateko Eusko Jaurlaritzaren baimena duela dioena.
- Gizarte Segurantzaren seme-alabak ardurapean izateagatik familia prestazioa eskatu edo jaso dela ziurtatzen duen agiria.
- Onuradunak bere enpresatik edo beste administrazio publiko batetik haurtzaindegirako edo bi urtekoen ikasgelarako diru-laguntzarik ez duela lortu egiaztatzen duen agiria.
- Eskatzailearen egoera, diru-laguntzari bide eman diona, hala dela egiaztatzen duten agiriak.
- Bizikidetzaren unitatea osatzen duten kide guztien azken errenta aitortzea, edo, hala badagokio, Foru Ogasunak emandako aurkako ziurtagiria.

Zerrendaturiko agiriez eta datuez gain, Udalak, kasu jakin bakoitza kontuan hartuz, beste edozein agiri osagarri eskatu ahalko dizkio eskatzaileari, aurkeztutako proiektua osoki baloratzeko.

Adierazitako agirietakoren bat Administrazio honek lehendik bere eskuetan badauka, diru-laguntza eskatu duenak ez aurkezteko eskubidea izango du, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 35 f) artikuluan xedatutakoarekin bat etorritik. Kasu horretan, ardurapeko adierazpen bat aurkeztu beharko da agiri horiek aurkeztu zireneko inguruabarrak berberak direla baieztatzeko, eta berariaz adierazi beharko da zein agiri diren horiek.

**ZORTZIGARRENA.- Eskaera aurkezteko lekua eta epea.-** Eskaerak aurkezteko epea egutegiko hogeita egunekoa izango da, deialdi hau Bizkaiko Aldizkari Ofizialean argitaratu eta hurrengo egunetik zenbatzen hasita. Nolanahi ere, eskaera ikasturte osoan eta ezartzen den epetik kanpo ere aurkeztu ahalko da, inguruabar hauetakoren bat gertatzen bada:

- a) Adingabeak gizarte-arriskuan egotea edo arretagabezia larria izatea.
- b) Deialdiaren epea amaitu ondoren muturreko eskasia ekonomikoan gertatzea.

Erakunde eta/edo, hala badagokio, pertsona interesdunek Udaleko Erregistro Orokorrean aurkeztu beharko dituzte eskaerak, edo, bestela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aipaturiko lekuetako edozeinetan. Eskaerak eta agiri osagarriak telematikoki aurkeztu nahi izanez gero, Administrazio Prozedura Erkideari buruzko Araudian eta herritarrek zerbitzu publikoak elektronikoki eskuratzeari buruzko ekainaren 22ko 11/2007 Legean ezarritako eran jardungo da.

**BEDERATZIGARRENA.- Ebazteko eta jakinarazteko epea.-** Diru-laguntzak emateko prozedura ebazteko eta ebazpena jakinarazteko gehieneko epea hiru hilabetekoa izango da, eskaerak aurkezteko epea amaitzen den egunetik aurrera, eta onartutako eta ukatutako diru-laguntzak jakinaraziko dira, bai eta atzera egin delako, eskubideari uko egin zaiolako edo aintzat hartu ez diren eskaeren gertatzezko ezintasunagatik eman ez direnak ere.

**HAMARGARRENA.- Jakinarazteko bideak.-** Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 58. artikuluan ezarritakoarekin bat etorritik jakinaraziko zaie interesdunei.

**HAMAIKAGARRENA.- Errekurtsoa jartzeko bideak.-** Ebazpen honek Administrazio-bidea amaitzen du; beraz, honen aurka berraztertze aukerako errekurtsoa aurkeztu ahalko zaio alkateari, hilabeteko epean, ebazpen honen jakinarazpena jaso eta hurrengo egunetik zenbatzen hasita, edo, bestela, zuzenean administrazioarekiko auzi-errekurtso bat jarri ahalko da Administrazioarekiko Auzien Epaitegian, Administrazioarekiko Auzien Jurisdikzioa arautzen duen uztailaren 13ko 29/1998 Legearen 8. eta 10. artikuluetan ezarritako eskumen-banaketaren arabera, bi hilabeteko epean, jakinarazpena jaso eta hurrengo egunetik zenbatzen hasita.

## **C. EUSKARA DIRULAGUNTZAK**

LEHENENGOA.- 2015ko ekitaldirako euskara arloko diru-laguntzen deialdi publikoa onartzea, kultura, kirol eta laguntza jardueretarako diru-laguntzak arautzen dituzten oinarri berezietan xedatutakoaren arabera. Oinarriak 242. zenbakiko Bizkaiko Aldizkari Ofizialean argitaratu ziren, 2010eko abenduaren 20an.

BIGARRENA.- Diru-laguntzaren aurrekontu-muga BOST MILA ETA LAUREHUN ETA LAUROGEITA HAMAHIRU EUROKOA (5.493,00 €) da, eta 45 48002 aurrekontu partidaren kargura ordainduko da. Diru-laguntza honen bidez pertsona fisiko bakoitzeko emango den gehieneko zenbatekoa eskatzaileari sortutako gastuen %100ekoa izango da, 600 euroko mugarekin.

HIRUGARRENA.- Xedea.- Barrikako Udalak diru-laguntzak emango dizkie euskara ikasteko ikastaroak egiten dituzten eta bizilekua Barrikako udalerrian duten pertsona fisikoei, udalerriko bizilagunek euskara ikasi eta erabil dezaten sustatzeko helburuarekin.

Diruz lagungarriak izango dira zentro ofizialetan edo Uribe Kostako Zerbitzuen Mankomunitateko Euskara Zerbitzuaren bidez ematen diren euskara ikastaroak. Ondorio horietarako, zentro ofizialak izango dira euskaraz ikasi eta irakasteko homologaturik daudenak.

LAUGARRENA.- *Onuradunak*.- Diru-laguntza honen onuraduntzat hartuko dira bizileku iraunkorra Barrikako udalerrian duen familia edo bizikidetzaren unitateak, betiere betekizun hauek betetzen badituzte:

1. 2014-2015 ikasturtean euskara ikasteko ikastaroak egin izana.

2. Barrikako udalerrian erroldaturik egotea, laguntza eskatu den ikasturtea edo ikastaroa hasi baino urtebete lehenagotik gutxienez, eta ikasturtea edo ikastaroa amaitu arte egotea udalerrian erroldaturik; salbuespenezko kasuetan ez da beharrezkoa izango aurreko betekizuna betetzea, baina, nolana ere, kasu horiek Informazio Batzorde eskudunean aztertu eta ebatziko dira.

3. a) Diru-laguntzaren xede den ikastaroan emandako eskola-ordu guztien % 90era, behintzat, bertaratu izana egiaztatzea edo

b) Zentro ofizial batean maila gainditu izanaren ziurtagiria.

4. Eskatzaileak eta haren familia-unitateak egunean eduki beharko dituzte Barrikako Udalari ordaindu beharreko zerga, tasa eta prezio publiko guztiak.

Aurretik aipatutako betekizun guzti-guztiak egiaztatu beharko dira; horretarako, agiri egokiak aurkeztu beharko dira.

Diru-laguntza honen onuradun izan ahalko dira, orobat, Barrikako Udaleko langile finko aktiboak.

Diru-laguntza honetatik kanpo geratuko dira honako hauek:

— IRALE edo IVAPeko programa berezien bidez ikastaroak egin dituztenak edo enpresaren edo erakundearen diru-laguntza jaso dutenak.

— HABEk emandako diru-laguntzak eskuratzeko eskubidea ematen duten azterketak gainditu dituztenak: 1. maila, 2. maila eta EGA.

BOSGARRENA.- Diru-laguntza emateko araubidea.- Norgehiagoka bidez emango da, eta hainbanaketa sistema ezarri da, puntukako modalitatean, onarturiko eskaeretako bat ere diru-laguntzarik gabe gera ez dadin.

Diru-laguntzak banatu ondoren aurrekontu-partidan soberakinik bada eta onartutako eskaera batzuei eskatutakoa baino kopuru txikiagoa egokitu bazaie, berriro egingo da zenbateko soberakinaren puntukako hainbanaketa, erabilgarri dagoen kreditua amaitu arte.

Barrikako Udaleko Informazio Batzordeak aztertuko ditu diru-laguntzaren eskaerak.

SEIGARRENA.- Balorazio irizpideak.- Oinarri hauetan araututako diru-laguntzak esleitzeko, eskariak irizpide hauen arabera ebaluatuko dira:

	Irizpidea	Puntuak Gehienez
1	Eskatutako diru-laguntzaren zenbatekoa; balorazio handiena gutxien eskatu duenari emango zaio	25
2	Jardueraren edo ikastaroaren iraupena; balorazio handiena gutxien irauten duenari emango zaio.	25
3	Diru-laguntzaren xede den ikastaroaren maila edo antzintasuna; balorazio handiena antzintasun edo maila altuena duenari emango zaio.	25
4	Ikastaroa udal euskaltegietan ematea.	25

Aurkezturiko eskaerekin ezarritako aurrekontu-muga agortzen bada, eskatzailearen errenta hartuko da kontuan diru-laguntza banatzeko; hala, lanbide arteko gutxieneko soldataren halako bi irabazten ez dutenek diru-laguntzaren gehienekoa jasoko dute, eta gainerakoa hein bereko zatitan banatuko da eskatzaileen artean.

ZAZPIGARRENA.- Aurkeztu beharreko agiriak.-

— Sinatzailearen NANaren fotokopia.

— Hala badagokio, zerga betebeharretan eta Gizarte Segurantzarekoetan eguneratuta egotearen ziurtagiriak, Bizkaiko Foru Ogasunak eta Gizarte Segurantzako Diruzaintza Orokorrak egindakoak.

— Matrikula ordaindu izanaren ziurtagiriak. Barnetegi edo antzeko zentrozen kasuan, bereizi egingo dira egonaldiaaren kostua eta kostu akademikoa, eta soil-soilik matrikularen kostu akademikoa lagundu ahalko da diruz.

— Zentro ofizialaren ziurtagiria, ondoko hauek jasotzen dituen:

a) Eskatzailea emandako eskola guztietatik gutxienez % 90etara joan dela, edo

b) Ikasturtea gainditu duela.

— Onuradunak bere enpresatik euskara ikasteko diru-laguntzarik ez duela jaso egiaztatzen duen agiria.

— HABEk emandako diru-laguntzak eskuratzeko bide ematen duen azterketa ez gainditu izanaren ziurtagiria.

— Eskatzailearen egoera, diru-laguntzari bide eman diona, hala dela egiaztatzen duten agiriak.

— Bizikidetzaren unitatea osatzen duten kide guztien azken errenta aitortpena, edo, hala badagokio, Foru Ogasunak emandako aurkako ziurtagiria.

18 urtetik gorako ikasleak eta/edo langabeak badira, eskatzailearen errenta aitortpena aurkeztu beharko da soilik.

Aipatutako agiri eta datuez gain, Barrikako Udalak, kasuaren arabera, eskatzaileari agiri osagarriak eskatu ahalko dizkio, aurkeztutako eskaria baloratzeko egokitzat jotzen baditu.

Adierazitako agirietakoren bat Administrazio honek lehendik bere eskuetan badauka, diru-laguntza eskatu duenak ez aurkezteko eskubidea izango du, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 35 f) artikuluan xedatutakoarekin bat etorritik. Kasu horretan, ardurapeko adierazpen bat aurkeztu beharko da agiri horiek aurkeztu zireneko inguruabarrak berberak direla baieztatuz, eta berariaz adierazi beharko da zein agiri diren horiek.

ZORTZIGARRENA.- Eskaera aurkezteko lekua eta epea.- Eskaerak aurkezteko epea egutegiko hogeita egunekoa izango da, deialdi hau Bizkaiko Aldizkari Ofizialean argitaratu eta hurrengo egunetik zenbatzen hasita.

Erakunde eta/edo, hala badagokio, pertsona interesdunek Udaleko Erregistro Orokorrean aurkeztu beharko dituzte eskaerak, edo, bestela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aipaturiko lekuetako edozeinetan. Eskaerak eta agiri osagarriak telematikoki aurkeztu nahi izanez gero, Administrazio Prozedura Erkideari buruzko Araudian eta herritarrek zerbitzu publikoak elektronikoki eskuratzeari buruzko ekainaren 22ko 11/2007 Legean ezarritako eran jardungo da.

BEDERATZIGARRENA.- Ebazteko eta jakinarazteko epea.- Diru-laguntzak emateko prozedura ebazteko eta ebazpena jakinarazteko gehieneko epea hiru hilabetekoa izango da, eskaerak aurkezteko epea amaitzen den egunetik aurrera, eta onartutako eta ukatutako diru-laguntzak jakinaraziko dira, bai eta atzera egin delako, eskubideari uko egin zaiolako edo aintzat hartu ez diren eskaeren gertatzeko ezintasunagatik eman ez direnak ere.

HAMARGARRENA.- *Jakinazteko bideak*.- Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 58. artikuluan ezarritakoarekin bat etorritik jakinaraziko zaie interesdunei.

HAMAIKAGARRENA.- Errekurtsoa jartzeko bideak.- Ebazpen honek Administrazio-bidea amaitzen du; beraz, honen aurka berraztertze aukerako errekurtsioa aurkeztu ahalko zaio alkateari, hilabeteko epean, ebazpen honen jakinarazpena jaso eta hurrengo egunetik zenbatzen hasita, edo, bestela, zuzenean administrazioarekiko auzi-errekurtso bat jarri ahalko da Administrazioarekiko Auzien Epaitegian, Administrazioarekiko Auzien Jurisdikzioa arautzen duen uztailaren 13ko 29/1998 Legearen 8. eta 10. artikuluetan ezarritako eskumen-banaketaren arabera, bi hilabeteko epean, jakinarazpena jaso eta hurrengo egunetik zenbatzen hasita.

Barrikan, 2015ko abenduaren 23an.  
ALKATEA,

Izp.: Roberto Muñoz García